



'Avaz' otkriva Novi podaci o broju dobrovoljaca iz naše zemlje

SIPA: U Siriji ratuje 80 bh. državljana

Oko 30 osoba iz BiH poginulo u direktnim borbama

Državna agencije za istrage i zaštitu (SIPA) raspolaže operativnim informacijama da od izbijanja oružanih sukoba u Siriji i Iraku u tim državama boravi ili je boravilo između 150 i 200 bh. državljana, potvrđeno je za „Dnevni avaz“.

Više odlazaka

U odnosu na podatke s kraja prošle godine, evidentan je povećan broj, ali nije poznato da su tome razlog tačnije informacije o broju ili veći broj odlazaka bh. državljana na područje

gdje ratuju terorističke organizacije Islamska država (IS), front El-Nusra i El-Kaida.

- Agencija raspolaže saznanjima da trenutno između 70 i 80 bh. državljana učestvuje u oružanim sukobima na tom ratištu - rekla nam je Kristina Jozić, portparol SIPA-e, dodajući da se radi o podacima operativnog karaktera koji su promjenljivi.

Kada je riječ o broju nastradalih, posljednji podaci Tužilaštva BiH govore da je blizu 30 osoba nastradalo u



Jozić: Promjenljivi podaci

direktnim borbama na sirijskom ratištu.

Polijski strukture iz BiH vjeruje da je taj broj mnogo veći, jer se za mnoge bh. mladiće i ne zna da

se nalaze na ratištima u Siriji niti njihove porodice uopće imaju podatke šta je s njima.

Dio koalicije

Bosna i Hercegovina dio je globalne koalicije u borbi protiv terorista Islamske države, a SIPA je nedavno formirala i Specijalni tim za borbu protiv terorizma, koji će ostvarivati usku saradnju s partnerskim agencijama u BiH, ali i zemljama regiona.

Zbog javnog vrbovanja na terorističke aktivnosti, u Sudu BiH traje suđenje Bilalu Bosniću, neformalnom vođi vehabija u BiH, dok operativni podaci SIPA-e govore da se jedan od najtraženijih terorista na svijetu Nusret Imamović i dalje nalaži na sirijskom ratištu. **M. AŠČIĆ**

Poginuo i Denis Delanović

U Siriji je poginuo još jedan državljanin BiH. Radi se o 30-godišnjem Denisu Delanoviću, porijeklom iz Donje Vidovske kod Velike Kladuše, koji je bio nastanjen u Njemačkoj, objavio je sinoć FTV.

On je, kako je objavila ova televizija, prije osam mjeseci iz Njemačke otišao u Austriju, a zatim u Siriju, gdje je, kao pripadnik Islamske države, prije šest dana, zajedno s još 11 državljana Njemačke, i poginuo.



Bh. policijske agencije prate odlaske u krizni region